

Ժողովուրդ

69
(2919)

23 մայիսի հինգշաբթի 2024
տպագրության ԺԳ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԿՈՒՏԱԿԵԼ Է ԱՐՌԵԼԻ ՊԵՏԱԿԱՆ ՊԱՐՏԹ



Հայաստանի Հանրապետության պետական պարտքը 2023 թվականի հուլիսի վերջի դրությամբ կազմել է մոտ 11 մլրդ 352 մլն դոլար: Ինչպես ցույց են տալիս ֆինանսների նախարարության տվյալները, այս տարի՝ ապրիլի 30-ի դրությամբ, պետական պարտքը հասնել է միլիարդ դոլարի շեմը դառնալով 12 մլրդ 70 մլն դոլար:

Սա ռեկորդային թիվ է, սակայն վատ առումով ռեկորդային. այն ողբալի ցուցանիշ է Հայաստանի Հանրապետության համար:

ՎՋԵԲ տարեկան հանդիպման, գործարար համաժողովի եւ ֆորումի ընթացքում, երբ Օպերայի եւ բալետի ազգային ակադեմիական թատրոնում ելույթ ունեցավ Նիկոլ Փաշինյանը, հայտարարեց, որ Հայաստանը գրանցել է 30% տնտեսական աճ: Ըստ տնտեսագետ Թաթևուկ Մանասերյանի՝ այս երեւույթը տնտեսության մեջ անվանում են «փրփուր», եւ «փրփուրների» ավելացմամբ տնտեսական աճով հպարտանալ պետք չէ:

Ստացվում է, որ փրփուրներից կախված Նիկոլ Փաշինյանը, որը նախկիններին մեղադրում էր պետական պարտքի հաշվին հարստանալու մեջ, այսօր եւ մասնատում է Հայաստանը, եւ կուտակել է ահռելի պետական պարտք ու շարունակում է կուտակել՝ միաժամանակ հարստացնելով թիմակիցերին:

Հարկ է նշել, որ ֆինանսների նախարարության ներկայացրած վերջին տվյալների համաձայն՝ 2020 թվականի կետերից Հայաստանի ՀՆԱ-ն կայուն անկում է գրանցում, եւ, ըստ տնտեսագետների, Հայաստանի տնտեսական աճի դինամիկան պահում են միայն առեւտուրը եւ առեւտրաշրջանառությունը, որի դադարը ճակատագրական կլինի Հայաստանի համար:

Երեւանի ավագանու անդամներին այսուհետ կարգելի աշխատել որպես հանրային ծառայող: Խորհրդարանը մայիսի 22-ի նիստում ընդունել է «Հանրային ծառայության մասին» օրենքում փոփոխություններ եւ լրացում կատարելու մասին օրենքների նախագիծը: Օրենսդրական փոփոխությունը նախատեսում է, որ ավագանու անդամները չեն կարողանա այլևս համատեղել իրենց պաշտոնը հանրային եւ հանրային ծառայության պաշտոնների հետ: Շեշտենք, որ համապատասխան փոփոխությունները եւ սահմանափակումները կազդեն արդեն նոր ընտրությունների արդյունքում ձեւավորված ավագանու անդամների վրա, բայց ավագանու գործող անդամների վրա չեն տարածվի: «Ժողովուրդ» օրաթերթը դեռ ամիսներ առաջ էր գրել, որ Երեւանի ավագանու «Քաղաքացիական պայմանագիր» խմբակցության մի շարք անդամներ ավագանու իրենց պաշտոնի հետ անհամատեղելի գործունեությամբ են զբաղվում: ՀՀ կոռուպցիայի կանխարգելման հանձնաժողովից իշխանական ավագանու անդամներին մինչեւ փետրվարի 15-ը ժամանակ էին տվել. նրանք կամ ավագանու մանդատից պետք է հրաժարվեին, կամ իրենց զբաղեցրած հանրային պաշտոններից: Փետրվարի 12-ին Նիկոլ Փաշինյանի գլխավորությամբ՝ կառավարությունում տեղի էր ունեցել հակակոռուպցիոն քաղաքականության խորհրդի նիստ, եւ մասնակիցները եկել էին եզրահանգման, որ ավագանու ԶՊ անդամները պետք է «համաձայնվեն»: Նրանք էին՝ ավագանու իշխանական անդամ Վլադիմիր Կիրակոսյանը, որ համատեղությամբ նաեւ անտառային կոմիտեի նախագահն է, Նատալյա Սիսոյանը, որ ԱԺ «Քաղաքացիական պայմանագիր» խմբակցության ղեկավար Հայկ Կոնջոյանի օգնականն էր, իսկ հիմա՝ ԶՊ խմբակցության փորձագետը, Մալաթիա-Սեբաստիա վարչական շրջանի նախկին ղեկավար, ավագանու անդամ Արման Բարխուդարյանը, որ ԱԺ նախագահի տեղակալ Ռուբեն Ռուբինյանի խորհրդականն է, Զինա Չալիկյանը, որ ԱԺ նախագահի ռեֆերենտն է, եւ Լեւոն Լեւոնյանը, որ Ազգային ժողովի աշխատակազմի ղեկավարի օգնականն է նաեւ: Կարճ ասած՝ այն, ինչ հիմա կարելի է ԶՊ-ականներին, արգելվելու է ապագայում բոլորին:



«Ժողովուրդ» օրաթերթին հայտնի դարձավ, որ ԱԺ ԶՊ խմբակցության պատգամավոր Արփի Դավոյանը նախագիծ է ներկայացրել ԱԺ, որով ցանկանում են ընդլայնել Գլխավոր դատախազ Աննա Վարդապետյանի լիազորությունները, որպեսզի նա այսուհետ կարողանա քննիչին փոխել գործի վարույթից: ԶՊ շրջանակից, անանուն մնալու պայմանով, երեկ մեզ պատմեցին, որ ԶՊ պատգամավոր Արփի Դավոյանին այդ նախագիծը ներկայացնելու հանձնարարությունը տվել է Գլխավոր դատախազ Աննա Վարդապետյանը: «Ժողովուրդ» օրաթերթը դիմեց Գլխավոր դատախազության, որտեղից ի պատասխան՝ դատախազի խորհրդական Լուսինե Մարտիրոսյանը հայտնեց. «Իրականության հետ աղերս չունեցող եւ մտացածին «լուրերը» Գլխավոր դատախազությունը չի մեկնաբանում»: Բայց փաստ է, որ ԱԺ պետաիրավական հանձնաժողովի, ապա եւ լիազումար նիստերի ընթացքում դատախազի տարեկան հաղորդումների ժամանակ Արփի Դավոյանը շնորհակալությունների տարափ էր հորդեցնում Աննա Վարդապետյանի հասցեին: Եվ այդ «շնորհակալություններից» հետո ԱԺ քննարկմանը ներկայացվեց դատախազին ձեռնադրելու նախագիծ՝ նույն Դավոյանի կողմից: Պատահականությո՞ւն. դժվար է հավատալ. բայց Արփի Դավոյանը մեր հարցերին չի պատասխանում, որ մանրամասները իրենից էլ ճշտեինք:



Մինչ ԶՊ իշխանության գալը՝ ՀՀ Սահմանադրությունից մեզ հայտնի էր, որ ընտանիքը հասարակության բջիջն է: Այս նորմը վերջին տարիներին հետ է մղվել՝ տեղը զիջելով «ընտանիքը կառավարության բջիջն է» թեզին, քանզի ԶՊ իշխանության գրեթե բոլոր ներկայացուցիչների կանայք, քույրերը, եղբայրները եւ նման այլ անձինք, տեղավորվել են պետական ֆինանսավորմամբ կառույցների տարբեր հաստիքներում: Բացառություն չէր մայիսի 22-ին արտաքին հետախուզության պետի տեղակալ Նշանակված Արման Բոշյանը: Տեղեկացնենք, որ տեւական ժամանակ գործազուրկ մնացած նախկին պատգամավոր Արման Բոշյանի կինը՝ Անուշիկ Ավետյանը, իհարկե կառավարության աշխատակից է. նա փոխվարչապետի օգնականն է, տարեկան 7 միլիոն դրամ աշխատավարձ է ստանում: Իհարկե, Բոշյանների համար եւս, անվիճելի, «ապագա կա»:

ԶՐՈՒՅՑ

ԿՄԿՄԵՆ ԻՄՊԻՉՄԵՆՏԻ ԳՈՐԾԸՆԹԱՅ

Մայիսի 21-ին Փարաբար համայնքի ավագանու անդամ Էմին Երիցյանը սոցցանցի իր էջում գրել էր.

«Հարգելի բարեկամներ, Փարաբար համայնքի հարգելի բնակիչներ, տեղեկացնում եմ, որ դեռևս մեկ շաբաթ առաջ վայր են դրել համայնքի ավագանու՝ «Դավիթ Մինասյան» խմբակցության ղեկավարի լիազորություններս՝ միաժամանակ դադարեցնելով խմբակցության իմ անդամակցությունը:

Ավագանու իմ գործունեությունը շարունակում եմ խմբակցությունից դուրս՝ գործելով անհատական պատասխանատվության տիրույթում, ավելի անկաշկանդ եմ ակտիվ՝ հանուն համայնքի զարգացման: Որակական փոփոխությունների հասնելու ջանքերը հաջողություն չեն արձանագրել, ուստի խմբակցությունից դուրս ավագանու կարգավիճակով տեսնում եմ փոփոխությունների հասնելու հնարավորություններ:

Թե՛ ավագանին, թե՛ համայնքապետարանն էսպես պետք է բարելավեն իրենց աշխատանքի որակը, ինչը հնարավոր է միայն ավագանու բոլոր անդամների, աշխատակազմի ներդաշնակ ու ներգրավված աշխատանքով, համայնքի բնակիչների ակտիվ մասնակցությամբ»:

Այս ամենի մասին «Ժողովուրդ» օրաթերթը գրուցել է «Ապրելու երկիր» կուսակցության համանախագահ Մեսրոպ Առաքելյանի հետ:

Պարոն Առաքելյան, տեղեկացանք, որ երեկ՝ երեկոյան, Փարաբար համայնքի ղեկավար Դավիթ Մինասյանը հրաժարական է ներկայացրել, եւ Դուք հայտարարություն տարածեցիք, որ նրա դեմ իմպիչմենտի գործընթաց էք ուզում սկսել: Արդյո՞ք դա է հրաժարականի համար պատճառ հանդիսացել, կամ, եթե կան այլ պատճառներ, ինչո՞ւմ ենք՝ նշել:

«Պատճառների մասին, կարծում եմ, իրենք պետք է մեկնաբանություն տան: Սակայն ավագանու անդամների մեծամասնությունը երեկ չէ առաջին օրը (խմբ.) համայնքի աշխատակազմ է հանձնել իմպիչմենտի գործընթացի փաստաթղթերը, որից մի քանի ժամ հետո եղել է հրաժարականը: Կարծում եմ՝ ակնհայտ է, որ սրա հետևանքով է: Պարզապես փորձ է արվում հետևյալի. եթե հրաժարականը հաս-



տատվի, փաստացի ո՛չ թե իմպիչմենտի գործընթաց կլինի, այլ ավագանու ղեկավարի նոր ընտրություններ կլինեն: Այստեղ մի քանի օրվա ժամանակ շահելու հարց է:

Իսկ Դուք կառաջադրե՞ք թեկնածու:

«Իհարկե, իմպիչմենտի գործընթացում առաջադրվել էր խմբակցության ղեկավար Վոլոդյա Գրիգորյանի թեկնածությունը. եթե իրավական այլ կարգադրումներով սահմանված՝ ավագանու նիստ անցկացնելու անհրաժեշտություն կլինի, ապա նիստի ժամանակ նույնպես կառաջադրվի Վոլոդյա Գրիգորյանի թեկնածությունը:

Իմպիչմենտ ներկայացնելու համար պետք է առաջ քաշել հստակ նախագիծ եւ թեկնածու: Ի՞նչ ծրագիր էք նախատեսել:

«Իմպիչմենտը միասնական որոշում է. այն ենթադրում է՝ իմպիչմենտ եւ նոր ղեկավարի ընտրություն: Ինչպես ասացի՝ ներկայացված է Վոլոդյա Գրիգորյանի ընտրության նախագիծը, եւ նիստը նախատեսված է ուրբաթ օրը:

Եթե չեն սխալվում, Դավիթ Մինասյանի ընտրության ժամանակ պայմանավորվածություն էր ձեռք բերվել ավագանու ղեկավարի՝ ռոտացիոն սկզբունքով փոփոխության վերաբերյալ: Երկուսուկես տարի պաշտոնավարումից հետո ղեկավարումը պիտի փոխանցվեր փոխադաշնակակալին՝ «Քաղաքացիական պայմանագիր» խմբակցությունից: Այս դեպքում ինչպե՞ս է լինելու:

«Անկեղծ ասած՝ զերծ կմնամ նրանց պայմանավորվածությունը մեկնաբանելուց: Ավելին, քան ասացիք, չգիտեմ: Իմպիչմենտի գործընթացի փաստաթղթի տակ ստորագրել են ավագանու անդամների մեծամասնությունը, ինչը նշանակում է, որ այդ 11 հոգին անհրաժեշտության դեպքում կընտրի Վոլոդյա Գրիգորյանին:

Այսինքն՝ ունե՞ք ԶՊ-ի աջակցությունը:

«Ո՛չ, մենք ունենք ավագանու 10 անդամ եւ մեկ հոգի՝ ավագանու անկախ անդամ, որը ԶՊ-ից չի եղել:

Զրուցեց էՄՄՍ ՄԻՔԱՅԵԼՅԱՆԸ



Ն. ՎԱՐԴԱՆՅԱՆԻ ՀԱՅՏԱՐԱՐԱԳՐԻ ՎԵՐԱԲԵՐՅԱԼ



«Ժողովուրդ» օրաթերթը դեռ փետրվար ամսին գրել էր, որ Երեւանի ավագանու իշխող խմբակցության անդամ Նուարդ Վարդանյանը Ford մակնիշի ավտոմեքենայի առքուվաճառքի մեջ է:

Այսպես, Վարդանյանը 2021 թվականի հայտարարագրում նշում է, որ 2022 թվականին ձեռք է բերել 2018 թվականի արտադրության Ford մակնիշի մեքենա, ինչը գույշակության ոլորտից է: Նույն 2021 թվականի հայտարարագրի համաձայն՝ Վարդանյանը Տիգրան Ավինյանի եղբայր Դավիթ Ավինյանից ձեռք է բերել եւս մեկ Ford՝ 2018 թվականի արտադրության, եւ տարվա վերջի դրությամբ հայտարարագրել է 2 Ford մակնիշի մեքենա: 2022 թվականի սկզբում ոչ միայն «անհետանում է» Ford-երից մեկը, այլեւ վաճառքից առաջ փոխվում է մյուս Ford-ի տարբերակը՝ 2018 թվականի արտադրությունը դառնում է մեկ տարով նոր՝ 2019 թվականի արտադրության:

Ստացվում է, որ Նուարդ Վարդանյանը իրեն պատկանող Ford մակնիշի մեքենան, որը ձեռք է բերել 2018 թվականին 4 մլն դրամով՝ գրեթե 10 հազար ԱՄՆ դոլար, 2022 թվականին վաճառել է 13 հազար ԱՄՆ դոլարով՝ որպես 2019 թվականի արտադրության մեքենա: Ըստ հայտարարագրի՝ Վարդանյանը 3 հազար ԱՄՆ դոլարի օգուտ է ստացել եւ փոխել մեքենայի արտադրման տարեթիվը: «Ժողովուրդ» օրաթերթը կապվել էր ԶՊ խմբակցության ավագանու անդամ Նուարդ Վարդանյանի հետ հասկանալու համար՝ ինչպես է այդպես ստացվել:

«Ուղիանրապես էդ հայտարարագիրը ոտքից գլուխ ամբողջը սխալ է: Ես իրենց (Կոռուպցիայի կանխարգելման հանձնաժողով) նամակով էլ եմ դիմել, որ ուղղեն: Իրենք չեն ուղղել, եւ դա իմ սխալմունքը չէ: Ինչո՞ւմ եմ՝ իրենց հետ կապվեք, որովհետեւ մի տունն էլ, որ ունեմ Կենտրոն վարչական շրջանում, երեք անգամ նույն բանը նշված է: Դիմել եմ իրենց, ասացին՝ Ձեզ կողմնակցությունը, համակարգի սխալ է եղել, Դուք կուղղեք: Այդ կողմ մինչեւ հիմա չեն ուղարկել: Ես չեմ կարող իրենց փոխարեն պատասխանել»:

Հոդվածի հրապարակումից հետո Կոռուպցիայի կանխարգելման հանձնաժողովը, հրապարակման մեջ շրջանառվող տեղեկության հիման վրա, սկսել է ուսումնասիրություն:

ՓՈՇԻՆՅԱՆԸ ԽԱՐԵԼ Է ՄԱՍ 212

ԱՇԽԱՏԱՎԱՐՁԵՐԸ ՉԵՆ ՓՈԽՎԵԼ

19.11.2018 թվականին Նիկոլ Փաշինյանը, հանդիպելով Գեղարձույթի մարզի համայնքապետների հետ, հայտարարել է. «Ինձ համար, օրինակ, զարմանալի է, թե ինչու է մարդը 15-20 օրի 80 հազար դրամ աշխատավարձով աշխատում»:

Նա, ում տեղը չի այդ 80 հազարանոց աշխատավարձը, թող գնա, ավելի պատշաճ աշխատանքով զբաղվի, իսկ ում գործն է՝ կարողանանք այդ 80 հազարը 160 հազար դարձնենք»:

«Ժողովուրդ» օրաթերթը ներկայացնում է իրական վիճակը. այս ելույթից 5 տարի անց Հայաստանում նվազագույն աշխատավարձը ավելի քիչ է՝ Նիկոլ Փաշինյանի նշած 80 հազար դրամից, եւ կազմում է 75 հազար դրամ: Թեեւ Նիկոլ Փաշինյանը խոստանում էր 80 հազարը դարձնել 160 հազար դրամ, այնուամենայնիվ, 2024 թվականի պետական բյուջեում նվազա-



գույն աշխատավարձի բարձրացում նախատեսված չէ:

Ահա, թե ինչպես է Նիկոլ Փաշինյանը խաբում:

ԻՐԱՎԻՃԱԿ

ԱՐՁԱԳԱՆՔ

«ՇՈՒՆՈՒՄԻ ՕՐՆ Է ԸՆԿՆԵԼՈՒ». Գ. ԳՄՆԻԵԼՅԱՆ

ՆՈՐ

ՆՇԱՆԱԿՈՒՄ

Հայաստանի Հանրապետության վարչապետ Նիկոլ Փաշինյանի որոշմամբ՝ Արման Բոջյանը նշանակվել է արտաքին հետախուզության ծառայության պետի տեղակալ:

«Ղեկավարվելով «Արտաքին հետախուզական գործունեության եւ արտաքին հետախուզության ծառայության մասին» Հայաստանի Հանրապետության օրենքի 19-րդ հոդվածի 2-րդ մասով եւ «Հանրային ծառայության մասին» Հայաստանի Հանրապետության օրենքի 9-րդ հոդվածի 5-րդ մասով՝ Արման Բոջյանին նշանակել արտաքին հետախուզության ծառայության պետի տեղակալ», - ասված է որոշման մեջ:

Հիշեցնենք, որ Արման Բոջյանը եղել է Նաեւ «Իմ քայլը» խմբակցության պատգամավոր:

ՎՐԱՍՏԱՆԸ ԿԶՐԿՎԻ ԵՄ ԹԵԿՆԱԾՈՒՄ ԿԱՐԳԱՎԻՃԱԿԻՑ

Եթե մինչեւ հոկտեմբեր Վրաստանը չհրաժարվի, այսպես կոչված, «օտարերկրյա գործակալների մասին օրենքից», Եվրահանձնաժողովը կարող է չհաստատել Թբիլիսիի Եվրամիությանը միանալու թեկնածուի կարգավիճակը:

Մայիսի վերջին Եվրամիության արտաքին գործերի նախարարները կքննարկեն դաշինքի պատասխանը Վրաստանում «օտարերկրյա գործակալների մասին օրենքից» հաստատմանը, հայտնում է հրատարակությունը:

Եվրոպացի բարձրաստիճան մի պաշտոնյա նշել է, որ եթե Վրաստանը չեղարկի օրենքը, երկիրը կարող է կորցնել դաշինքին միանալու համար իր թեկնածուի կարգավիճակը:

Մի շարք եվրոպացի պաշտոնյաներ քննադատում են ԵՄ ղեկավարությանը «չափազանց մեղմ» արձագանքելու եւ օրենքի ընդունումից առաջ ավելի կոշտ դիրքորոշում չընդունելու համար:

Անցյալ տարի Եվրահանձնաժողովը առաջարկել էր, որ Եվրամիության խորհուրդը Վրաստանին շնորհի թեկնածուի կարգավիճակ՝ պայմանով, որ իրագործվի ինը քայլ՝ ներառյալ դատական բարեփոխումները, կոռուպցիայի դեմ պայքարը, ապաօլիգարխացումը, մարդու իրավունքների, փոքրամասնությունների, լրատվամիջոցների եւ քաղաքացիական ակտիվիստների իրավունքների պաշտպանությունը եւ այլն:

2023 թվականի դեկտեմբերին Թբիլիսիի ստացել է թեկնածուի կարգավիճակը, սակայն, ըստ Եվրամիության ղեկավարության, «օտարերկրյա գործակալների մասին օրենքը» խոչընդոտ է հանդիսանում՝ դաշինք մտնելու համար, քանի որ այն հակասում է ժողովրդավարական արժեքներին եւ սահմանափակում հասարակական կազմակերպությունների աշխատանքը:

Վրաստանի կառավարությունը հայտարարել է, որ օրենքը չի խանգարում երկրի Եվրահանձնաժողովի գործընթացին:

«Ես հայցնիության հետ կապված խնդիր չունեմ, ես որ հայցնի եմ եղել, չգիտեմ ինքը որեղ է եղել»:

Այս մասին լրագրողների հետ զրույցում հայտնեց «Հայաստան» խմբակցության պատգամավոր Գառնիկ Դանիելյանը՝ արձագանքելով ԶՊ-ական Արփի Դավոյանի այն գնահատականին, թե. «Գառնիկ Դանիելյանը, մինչ այս շարժումը, հայտնի չի եղել»:

«Ես 20 տարեկանից Անդրկովկասում ամենամեծ գյուղատնտեսական հիմնարկի տնօրենն եմ եղել, ինքը որտեղ է եղել, կարծեմ՝ ինչ-որ կենդանիներ էր պահում, դու էր պահում: Ամեն դեպքում ես էլ եմ կենդանիներ սիրում», - նշել է նա:

ԼՀԿ նախագահ Էդմոն Մարուքյանի հայտարարության մասին, թե Բագրատ Սրբազանը պետք է հստակ երաշխիքներ տա, որ իր շարժման միջոցով չի կարող որեւէ փորձ լինել նախկին ռեժիմների վերադարձի՝ Գառնիկ Դանիելյանն ասել է. «Ինձ թվում է՝ իր մասին է եղել խոսքը, բոլոր ռեժիմների հետ այդ մարդը համագործակցել է, աշխատել է, սիրել է այդ բոլոր ռեժիմների առաջնորդներին՝ մինչեւ մի քանի շաբաթ առաջ: Էդմոն ջան, պետք չէ՝ նման բաներ ասես, Դուք նախկին եք, նախկինի նախկին էլ եք: Մենք ամեն ինչ թողնում ենք մի կողմ, այդ բզբզելն ի՞նչ իմաստ ունի, ջուր եք լցնում Նիկոլի ջրաղացին: Բայց բոլորի հետ համագործակցելն այդքան վատ չէ, ինչքան՝ այս ռեժիմի հետ»:

Պատգամավորը կատակեց՝ 2018-ից առաջ ով պետական ոլորտում աշխատել է, համարվում է «նախկին», հիմա ի՞նչ անենք, 2018-ից հետո ծնվածների հետ գործ ունենանք:

«Շունուխի օրն է ընկնելու», - նշել է Գառնիկ Դանիելյանը:

Անդրադառնալով Ալեն Սիմոնյանի հայտարարությանը՝ առ այն, որ 2026



թվականին կայանալիք ընտրություններում ԶՊ-ն ընտրություններում շունուխից հաղթանակ է տանելու, պատգամավորը մատնանշել է. «Գիտե՞ք ոնց են հաղթելու. Շունուխում էլ հաղթանակ տարան: Սահմանապահ զորքերն այդտեղ էին գրանցված ու իրենց ձայն տվեցին: Գյուղը դատարկելով՝ մտածում են, որ հաջորդ ընտրություններին սահմանապահներին ուղղորդելով՝ հաղթանակ կտանեն ու ամբողջ աշխարհին ցույց կտան»:

«Չարժույթ, որը մայիսի 4-ից քայլարշավով շարժվեց դեպի Երեւան»:

Այս պահին շարժման առաջնորդները ակտիվ հանդիպումներ են ունենում տարբեր քաղաքական կուսակցությունների, ՀԿ-ների, տնտեսագետների, իրավաբանների, կրթության ոլորտի մասնագետների հետ՝ նախագծելու առաջիկայում իրականացվելիք գործողությունները:

Պատգամավոր Գառնիկ Դանիելյանը, որ դեռեւս ապրիլից Կիրանցում է Ոսկեպարում է եղել, Տավուշից է:

Մայիսի 26-ին շարժումը հանրահավաք է նախատեսել Հանրապետության հրապարակում:

ԱՆՆԱ ՄՐԱՊԻՈՆՅԱՆ

ՕՐՎԱ ԽՃԱՆԿԱՐ

ԱՃԻՍԱՏԱՆՔԱՅԻՆ ՀԱՆԳԻՊՈՒՄ

Երեկ աշխատանքային հանդիպում էմ ունեցել Ֆրանսիայի հայկական կազմակերպությունների համակարգող խորհրդի (CCAF) համանախագահ Մուրադ Փափազյանի (Franck Papazian) գլխավորած պատվիրակության հետ, որի կազմում էին Ֆրանսիայի խորհրդարանի գործող ու նախկին պատգամավորներ, Ֆրանսիայի հայ համայնքի ակտիվ անդամներ:

Այս մասին գրառում է կատարել նախկին ՄԻՊ Արման Թաթոյանը:

«Հանդիպման սկզբում ընդգծել եմ Ֆրանսիայի հայկական կազմակերպությունների համակարգող խորհրդի, Մուրադ Փափազյանի, CDCA-ի, ինչպես նաեւ Ֆրանսիայի հայ համայնքի մյուս կառույցների ու անդամների կարեւոր դերը հատկապես 44-օրյա պատերազմից հետո ու դրանից հետո Հայաստանի ու Արցախի նկատմամբ ադրբեջանական հանցանքները բացահայտելու, աշխարհին ու Ֆրանսիայի իշխանություններին ներկայացնելու հարցում:

Այնուհետեւ, հանդիպման ընթացքում ներկայացրել եմ Հայաստանի Սյունիքի, Գեղարքունիքի եւ Վայոց ձորի, Տավուշի մարզերում փաստափակված աշխանքների արդյունքները՝ կապված, այսպես կոչված, սահմանազատման, դրա հետեւանքով սահմանային բնակիչների իրավունքների խախտումների ու անվտանգության խաթարման հետ:

ՄԻՆԱՍՅԱՆԻ ՀԱՐՑԸ՝ ԶՊ-ԱԿԱՆՆԵՐԻՆ

Ադրբեջանական թշնամանքի քաղաքականությունը Հայաստանի բնակիչներին պատճառում է տառապանքներ, նրանց գրկել է սեփականությունից ու անվտանգ կյանքի հնարավորությունից, եկամուտ վաստակելու հնարավորությունից:

Քննարկել ենք Ադրբեջանում ապօրինաբար անազատության մեջ պահվող Արցախի գործող ու նախկին ղեկավարների, հայ զինվորականների ազատ արձակման հետ կապված խնդիրներ:

Նախանշել ենք հետագա համատեղ աշխատանքի ուղղությունները Հայաստանում ու Արցախում հայ ժողովրդի նկատմամբ ադրբեջանական հանցանքներն աշխարհին ներկայացնելու, նրանց կեղծիքների տարածումը թույլ չտալու հարցերում», - հայտնում է Թաթոյանը:

Նա շարունակելով խոսքը՝ նշեց. «Այսինքն՝ Ադրբեջանը զավթած տարածքներ չունի՝ Հայաստանից»:

Հայաստանի տարածքը որքան է այս պահի դրությամբ, որքանի՞ նկատմամբ Հայաստանն ունի իշխանություն»:

ԶՊ-ական պատգամավորները տեղից բղավեցին, Աժ նախագահ Ալեն Սիմոնյանը լռություն պահանջեց:

Այնուհետեւ, դիմելով Արծվիկ Մինասյանին՝ ասաց. «Կարծում եմ՝ հայրենի իմացության առումով որեւէ մեկիս չեք գիշում: Հայաստանի տարածքը, բազմիցս ասել ենք, 29 հազար 743 քվմ է: Հարց եք բարձրացնում՝ հիմա այդքան է: Այո, միշտ այդքան է՝ անկախությունից ի վեր: Այն մասերը, որոնք այս պահին զավթվել են, ու ես դրա հետ համաձայն եմ, նույնպես ՀՀ տարածք են:

Հիմա հարց է հնչել՝ Դուք, ձեր ուժն արդյո՞ք ընդունում է, որ Հայաստանի ինքնիշխան տարածքը 29 հազար 743 քվմ է: Այո, կամ ո՞չ»:

Արծվիկ Մինասյանն արձագանքեց. «Քննչական գործողության եմ մասնակցում: Հայաստանի Հանրապետության ինքնիշխան տարածքը հայտարարված, օրենքներով ամրագրված 29 հազար 743 քվմ է, դա ամրագրված է, իմ հարցը շատ պարզ է, ընդունել-չընդունելի հարց չէ:

Ձեզ եմ հարցնում՝ հիմա ինչքան է: Ինչքան եք թողել»:

Ալեն Սիմոնյանը պատասխանեց. «Այդքան»:

ՎՃԻՌ

«ՈՉՆՉԱՑՆԵՂ «ՂԱՆՑԱՆՔԻ ԳՈՐԾԻՔ» ՀՈՎԱՆՈՑԸ»

Վայոց ձորի մարզում վարչապետ Նիկոլ Փաշինյանի վրա հովանոց նետած կնոջ գործով դատարանը վճիռ է կայացրել. ոչնչացնել աղաքույցը՝ հովանոցը:

2023 թվականի ապրիլի 10-ին Նիկոլ Փաշինյանը Վայոց ձորի մարզի Եղեգնաձոր համայնք այց էր կատարել: Մալիշկա բնակավայրում ժամը 13:15-ի սահմաններում նոր կառուցված 8-րդ, 14-րդ եւ Կենտրոնական փողոցների խաչմերուկին նրան էր մոտեցել 48-ամյա մի կին: Վերջինս 48-ամյա Նարինե Ասատրյանն էր, որը Քաջաթաղի շրջանից տեղահանվածներից է. նա թշնամուն հանձնված Քարեգահի գյուղի բնակիչներից է, բազմազավակ մայր:


Արդյունքում՝ Նարինեն Նիկոլ Փաշինյանի ուղղությամբ հովանոց էր նետել՝ այդպիսով իր բողոքն արտահայտելու Նիկոլ Փաշինյանի վարած քաղաքականության դեմ:

«Իհարկե, այն ամենի համար, ինչ արել եմ՝ չեմ փոշմանել, ես ամեն ինչի պատրաստ եմ: Ինքս հանգիստ ու համբերատար բնավորություն ունեմ, բայց եթե հարցը վերաբերում է իմ հայրենիքին, ինձնից չար մարդ չի լինում. այո՛, ինչ ասել եմ՝ իմ խոսքի տերն եմ», - նշել էր Նարինե Ասատրյանը:

Նա վստահ է, որ եթե բոլորն իրենց դժգոհությունն արտահայտեին այն քաղաքականության դեմ, որը վարում էր օրվա իշխանությունը, ապա Արցախն այսօր ամբողջովին Ադրբեյջանի կողմից չէր օկուպացվի:

«Ես, մեր Բերծորից սկսած, մինչեւ հիմա պայքարում եմ: Երբ Բերծորը պիտի հանձնեին թշնամուն, Վիտայի Բալասանյանը եկել էր այնտեղ, նույն բախտին էլ ինքն է արժանացել՝ ուղղակի ռուսները խանգարեցին: Ես մտածելու որեւէ բան չունեմ, իրենք թող մտածեն», - նշել էր մեր գրուցակիցը:

Կատարվածից հետո գործի անցան իրավապահները: 33 քննչական կոմիտեն Վայոց ձորում տեղի ունեցած միջադեպից հետո Նարինե Ասատրյանին մեղադրանք էր առաջադրել՝ Քրեական օրենսգրքի 44-452-րդ հոդվածի 3-րդ մասի հատկանիշներով, որը նախատեսում է ազատազրկում 2-5 տարի: Նախաքննության ավարտից հետո քրեական գործն ուղարկվել է Արարատի եւ Վայոց ձորի մարզերի առաջին աստիանի ընդհանուր իրավասության դատարան: Նարինե



Ասատրյանի նկատմամբ խափանման միջոց է ընտրվել երկրից չբացակայելը:

Արդյունքում, շուրջ մեկ տարի տեւած քննությունից հետո՝ այս տարվա ապրիլի 16-ին, դատավոր Միքայել Գրիգորյանը կայացրել է որոշում:

Նարինե Նորիկի Ասատրյանին մեղավոր ճանաչել 33 քրեական օրենսգրքի 44-452-րդ հոդվածի 3-րդ նախատեսված հանցանքի կատարման մեջ, եւ նրա նկատմամբ պատիժ նշանակել ազատազրկում՝ 2 տարի ժամկետով:

33 քրեական օրենսգրքի 84-րդ հոդվածի կիրառմամբ՝ Նարինե Ասատրյանի նկատմամբ ազատազրկման ձեւով նշանակված պատիժը պայմանականորեն չկիրառել՝ սահմանելով փորձաշրջան 2 տարի ժամկետով՝ վարքի նկատմամբ վերահսկողությունը դնել 33 արդարադատության նախարարության պրոբացիայի ծառայության վրա:

Նարինե Ասատրյանին, պարտավորեցնելով՝ առանց դատապարտյալի, վարքագծի նկատմամբ վերահսկողություն

իրականացնող իրավասու մարմնի որոշման համաձայն՝ թույլ չտալ լքել 3-րդ աստիանի 3-րդ նախատեսված բնակության վայրը փոխելու դեպքում՝ դատապարտյալի վարքագծի նկատմամբ վերահսկողություն իրականացնող իրավասու մարմնին սեղմ ժամկետում հայտնել իր նոր բնակության վայրի հասցեն:

Նարինե Ասատրյանի նկատմամբ կիրառված խափանման միջոցը՝ բացակայելու արգելքը, թողնել անփոփոխ՝ մինչեւ դատավճռի օրինական ուժի մեջ մտնելը:

Դատավճռի օրինական ուժի մեջ մտնելուց հետո՝ Նարինե Ասատրյանի՝ 33 պետական սահմանի հատման արգելափակումը վերացնել:

Դատավճռի օրինական ուժի մեջ մտնելուց հետո՝ քրեական գործով իրեղեն ապացույց ճանաչված՝ Նարինե Նորիկի Ասատրյանի անձնական խուզարկության վերցված բալագույն հովանոցը ոչնչացնել:

ՔՆՆՐ ՍՍՆՈՒԿՅԱՆ

ՄԱՔՍԱՆԵՆԳՈՒԹՅՈՒՆ

ԱՊՕՐԻՆԻ ԳԵՂՈՐԱՅՔ Է ՏԵՂԱՓՈԽՎԵԼ

ՊԵԿ-ը կանխել է մաքսանենգ ճանապարհով դեղորայքի ներմուծման դեպքեր:

Պետական եկամուտների կոմիտեի մաքսանենգության դեմ պայքարի վարչությունը, շարունակելով անգիջում պայքարը Հայաստանի Հանրապետության սահմանով դեղորայքի անօրինական տեղափոխման ուղղությամբ, բացահայտել է դեղամիջոցների մաքսանենգության 2 դեպք:

Օրերս ՊԵԿ ՄԴՊ վարչության օպերատիվ հետախուզության բաժին տվյալներ էին ստացվել այն մասին, որ Գ. Կ.-ն, հանդիսանալով «Հարավկովկասյան Երկաթուղի» ՓԲ ընկերության Երեւան-Թբիլիսի-Երեւան գնացքներից մեկի պետ, Վրաստանի մայրաքաղաք Թբիլիսիից Երեւան ուղևորվող գնացքի երթուղով, պարբերաբար, Հայաստանի Հանրապետություն է տեղափոխում մաքսային հսկողությունից թաքցված դեղորայք:

Օպերատիվ տվյալներն իրացնելիս ՊԵԿ աշխատակիցները Երեւանի Սասունցի Դավիթ կայարանի մուտքի մոտ՝ ավտոկայանատեղիում, մոտեցել են քաղաքացի Գ. Կ.-ին, որն այդ պահին փորձել է իր մեքենայի բեռնախցիկում տեղավորել «Հարավկովկասյան Երկաթուղի» ընկերությանը պատկանող գնացքով, իր իսկ կողմից ներմուծած՝ շուրջ 25 կիլոգրամ քաշով, երկու մեծ սեւ պոլիէթիլենային տոպրակ: Գ. Կ.-ն իրավիճակ էր ՊԵԿ ՄԴՊ վարչություն, որտեղ ներկայացրել է իր ձեռքի պոլիէթիլենային տոպրակներում առկա ապրանքները:

Ուսումնասիրությունից հետո պարզվել է, որ ամբողջը դեղորայք է եղել:

Դեպքի առնչությամբ կազմվել է մաքսային կանոնների խախտման արձանագրություն, որը տրամադրվել է ՊԵԿ իրավաբանական վարչություն:

Մեկ այլ դեպքով, ՊԵԿ ՄԴՊ վարչության աշխատակիցները տեղեկություններ էին ստացել, որ քաղաքացի Դ. Ս.-ն, իր կողմից շահագործվող տրանսպորտային միջոցով, մաքսային հսկողությունից թաքցնելով, Վրաստանից Հայաստան է տեղափոխում դեղորայք:

Հիշյալ օպերատիվ տվյալներն իրացնելիս ՄԴՊ վարչության աշխատակիցները, Դ. Ս.-ի կողմից շահագործվող տրանսպորտային միջոցը Վրաստանից ժամանելուց հետո՝ ուղեկցել են «Ուրբան Լոջիստիք Սերվիսիս» փակ բաժնետիրական ընկերության մաքսային հսկողության գոտի: Մաքսային զննման արդյունքում տվյալ տրանսպորտային միջոցի դռների եւ բեռնախցիկում առկա զազաբալոնային համակարգի միջից հայտնաբերվել են մաքսային հսկողությունից թաքցված, ընդհանուր 24 կիլոգրամ քաշով տարբեր տեսակի դեղամիջոցներ:

Կազմվել է մաքսային կանոնների խախտման արձանագրություն, որը տրամադրվել է Հայաստանի Հանրապետության ՊԵԿ իրավաբանական վարչություն:

ԲՐՆԱԳԱՆՆԵԼՈՒ ՊԱՅԱՆՋ

ԲՆԱԿԵԼԻ ՏԱՐԱԾՔ՝ ԱՄՆ-ՈՒՄ ԵՎ ԵՐԵՎԱՆԻ ԿԵՆՏՐՈՆՈՒՄ

Գլխավոր դատախազությունը տահանջում է ՀՀ դատախազության նախկին նախարարից բռնազանգծել ԱՄՆ-ում զսնվող բնակելի տարածք, Երեւանի կենտրոնում զսնվող անօդաչու գույք եւ դրամական միջոցներ:

Հակակոռուպցիոն դատարանը 2024 թվականի մայիսի 15-ին վարույթ է ընդունել Գլխավոր դատախազության՝ ապօրինի ծագում ունեցող գույքի բռնազանգծման վերաբերյալ հերթական հայցադիմումը:

Գլխավոր դատախազության՝ ապօրինի ծագում ունեցող գույքի բռնազանգծման

գործերով վարչությունը պահանջ է ներկայացրել դատարանին՝ ՀՀ պաշտպանության նախկին նախարար Վիգեն Սարգսյանից եւ նրան փոխկապակցված անձից բռնազանգծել՝

● 1 անշարժ գույք Երեւանի կենտրոնում, իսկ անհնարինության դեպքում՝ գույքի միջին շուկայական արժեքը՝ 181 մլն 125 հազար դրամ:

● ԱՄՆ Մասաչուսեթս նահանգում գտնվող բնակելի տարածքը, իսկ անհնարինության դեպքում՝ գույքի ձեռքբերման արժեքը՝ 2 մլն 50 հազար ԱՄՆ դոլարին համարժեք 940 մլն 909 հազար դրամ:

● 255 մլն 454 հազար դրամ՝ որպես ապօրինի դրամական միջոցների մագորդ:

● 172 մլն 486 հազար դրամ, որը չի հիմնավորվում անձի օրինական եկամուտներով, ունի ապօրինի ծագում եւ հնարավոր չէ բռնազանգծել, քանի որ 2004-2022 թվականների ընթացքում փոխանցվել է բարեխիղճ ձեռքբերողի եւ/կամ հնարավոր չէ նույնականացնել՝ բռնազանգծումը տարածելով նաեւ համատեղ կյանքի ընթացքում Լ.Գ.-ի անվամբ ամբողջաբան բանկերում առկա դրամական միջոցների, գույքերի վրա:

● Ըստ ոստիկանության տվյալների՝ մայիսի 21-ից 22-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 89 դեպք:

ՀԱՍԱՐԱԿՈՒԹՅՈՒՆ

ՄԱՐԶ

Ա. ԽԱՆՁՅԱՆԻ ԱՄԱՌԱՆՈՑԻ ՈՒՊՄԱԿԱՆԸ

Դիլիջանի համայնքային Դավիթ Սարգսյանին է դիմել «Գրին ռոք մենեջմենթ գրուպ» ՍՊԸ-ն՝ ի դեմս տնօրեն Վարազդատ Ներսիսյանի, եւ հայտնել է, որ այդ ընկերության սեփականությունը հանդիսացող, Դիլիջան քաղաքի Մաքսիմ Գորկու փողոցի թիվ 3/1 հասցեի 2800 քմ մակերեսով հողամասում է գտնվում 1936թ.-ին կառուցված՝ Աղասի Խանջյանի ամառանոցի շենքը, որը ՀՀ կառավարության 2004թ. դեկտեմբերի 30-ի N 1929-Ն որոշման համաձայն՝ ընդգրկված է Տավուշի մարզի պատմության եւ մշակույթի անշարժ հուշարձանների պետական ցուցակում որպես հանրապետական նշանակության հուշարձան: Այդ շենքը ՀՀ կառավարի կոմիտեի կողմից հաշվառված է որպես ինքնակամ շինություն, վթարային է եւ գտնվում է կիսավեր վիճակում: «Գրին ռոք մենեջմենթ գրուպ» ընկերությունը, կարելի է ասել, հուշարձանների պահպանման եւ վերականգնման անհրաժեշտությունը, պատրաստակամություն է հայտնել ընկերության սեփականությունը հանդիսացող 2800քմ հողամասը, այնտեղ առկա հուշարձան հանդիսացող շենքի պահպանման եւ սպասարկման նպատակով, որպես սեփականություն անհատույց փոխանցել (սկիզբից) Դիլիջան համայնքին: Համայնքի ավագանին 2023թ. նոյեմբերի 2-ի նիստում քվեարկությամբ հավանություն է տվել նշված՝ 2800 քմ հողամասը ընդունելու մասին համայնքի ղեկավարի առաջարկությանը: Այժմ «Գրին ռոք մենեջմենթ գրուպ» ՍՊԸ-ն նորից դիմել է Դիլիջանի համայնքի ղեկավարին՝ Դիլիջանի Մաքսիմ Գորկու փողոցի թիվ 3/1 հասցեի 2800 քմ հողամասում գտնվող, հանրապետական նշանակության հուշարձան հանդիսացող 966.83 քմ ընդհանուր մակերեսով Աղասի Խանջյանի ամառանոցի շենքը (շինության ավարտվածության աստիճանը 50-80%) հիմնադրաման եւ որպես թանգարան վերակառուցելու նպատակով՝ անհատույց օգտագործման իրավունքով, անժամկետ իրենց տրամադրելու խնդրանքով: Համայնքի ավագանին 2024թ. մայիսի 10-ի թիվ 695-Ա որոշմամբ համաձայնություն է տվել վերոհիշյալ 2800 քմ հողամասում գտնվող, հանրապետական նշանակության հուշարձան հանդիսացող 966.83 քմ ընդհանուր մակերեսով Աղասի Խանջյանի ամառանոցի շենքը հիմնադրաման եւ որպես թանգարան վերակառուցելու նպատակով, անհատույց օգտագործման իրավունքով, անժամկետ «Գրին ռոք մենեջմենթ գրուպ» ՍՊԸ-ին տրամադրելու վերաբերյալ համայնքի ղեկավարի առաջարկությանը: «Գրին ռոք մենեջմենթ գրուպ» ՍՊԸ-ի ինտերնետային կայքում որպես այդ ընկերության հիմնադիր՝ նշված է Դիլիջանում ծնված, Շվեյցարիայում ապրող Մարտա Գեորգյանը, որը որպես միանձնյա ձեռնարկատեր, տիրապետում է Հայաստանում գործող Evocabank-ի բաժնետոմսերի 100%-ին: Կես տարում ինչ փոխվեց, ինչո՞ւ անցած տարվա նոյեմբերին նշված 2800 քմ հողամասը եւ դրանում 966.83 քմ մակերեսով Աղասի Խանջյանի ամառանոցի շենքը համայնքին սկիզբ դրեցին «Գրին ռոք մենեջմենթ գրուպ» ՍՊԸ-ն փոշմանեց եւ Խանջյանի ամառանոցի շենքը համայնքից հետ վերցրեց՝ որպես թանգարան վերակառուցելու նպատակով:

ՈՍԿԱՆ ՍԱՐԳՅԱՆ Տավուշ

ԾՆՆՂՅԱՆ ՕՐ

ՇՈՒՇԻԻ ԱԶԱՏԱԳՐՄԱՆ ՆՎԻՐՅԱԼԸ

Շուշիի ազատագրման, «Հարսանիք լեռներում» ռազմական գործողության նախադասարանում աշխատանքներում մեծ դերակատարում ունեցող ռազմական գործիչ Արկադի Տեր-Թադեոսյանը մայիսի 22-ին կրառնար 85 տարեկան:



Հայաստանի զինված ուժերի գեներալ-մայոր, Արցախյան ազատամարտի մասնակից, ՀՀ պաշտպանության նախկին փոխնախարար, Հայաստանի ազգային հերոս, Արցախի հերոս Արկադի Տեր-Թադեոսյանը ծնվել է Հայոց Ցեղասպանությունից հետո Անիի մայր տաճարի դիմաց՝ Արաքսի հայաստանյան ափին գտնվող Խարկով փողոցի գյուղում հաստատված, ապա աքսորից խուսափելու համար Թիֆլիսում հաստատված Տեր հոր ընտանիքում:

Ավարտելով Բաքվի զինվորական ուսումնարանն ու Լենինգրադի տրանսպորտի եւ թիկունքի ռազմական ակադեմիան՝ Կոմանդոսը նախ ծառայության է անցնում Գյումրիում, հետո՝ Երեւանում՝ միաժամանակ դասախոսելով գյուղատնտեսական ինստիտուտում որպես ռազմական ամբիոնի դասընթացակարգի պետ:

Կոմանդոս անունով հայտնի զինվորական իր ծառայությունը ԽՍՀՄ բանակում անցել է Աֆղանստանում, Գերմանիայում, Չեխոսլովակիայում եւ Բելառուսում: Արցախյան շարժման տարիներին ակտիվ մասնակցություն է ունեցել կամավորականների մարզման գործում:

1990 թվականին դարձել է «Ստունցի Դավիթ» կամավորական ջոկատի անդամ եւ մեկ տարի անց նշանակվել Հայաստանի պաշտպանության կոմիտեի արտագնական կառուցման ղեկավարի բաժնի պետ:

1991 թվականի հոկտեմբերի 30-ին Արցախի նորաստեղծ ինքնապաշտպանական ուժերը Կոմանդոսի հրամանատարությամբ իրականացված ռազմական գործողության շնորհիվ ազատագրում են ռազմավարական մեծ կարեւորություն ունեցող Հադրութի շրջանի Տող գյուղը:

1992 թվականի մայիսին Արկադի Տեր-Թադեոսյանը ակտիվ մասնակցություն է ունեցել Շուշիի ազատագրման՝ «Հարսանիք լեռներում» ռազմական գործողության նախապատրաստման աշխատանքներին:

Կոմանդոս անունով Արկադի Տեր-Թադեոսյանին կոչել են զինակից ընկերները Արցախում որպես առաջնորդ, ում խոսքով շարժվել են գործողությունների ժամանակ: Տեր-Թադեոսյանին կոչել են նաեւ «Լեռնային աղվես»: Այս անունը կապված է գործողության հետ, որն իրականացրել են Արցախի լեռնային անտառներում գյուղերը պաշտպանելիս: Պատմում են, որ Կոմանդոսը, լեռնային տարածքներում շատ արագ կողմնորոշվելու շնորհիվ, կարողացել է տարբեր կողմերից հարվածներ հասցնել թշնամուն, ու վերջիններիս թվացել է, թե սարերում հայկական բազաթիվ ջոկատներ են գործում:

Իր կյանքի ընթացքում ունեցած ռազմական գործողությունների համար պարգևատրվել է առաջին աստիճանի «Մարտական խաչ» շքանշանով: Հայաստանի զինված ուժերի ստեղծման եւ կայացման, հայրենիքի պաշտպանության եւ անվտանգության ապահովման գործում մատուցած բացառիկ ծառայությունների համար 2021 թվականի մայիսի 8-ին հետմահու պարգևատրվել է «Հայրենիքի» շքանշանով:

ՀՈՒՐԻ ԲՎՂԴԱՍՍՈՅԱՆ

ՀՅՈՒՄՈՒՆ ՕԳՆՈՒԹՅԱՄԲ

ՆՈՐ ԸՈՒՆՉ՝ ՎԱՆԱՉԱՐԻ ԴՊՐՈՑԻՆ

Վերաբացման դաժնանական արարողությանը մասնակցել են գեղարվեստի դոկտոր Բարսեղ Գուրգեն Եկարեանը, Գուգարաց թեմի առաջնորդը, Լոռու մարզպետը, Վանաձորի համայնքապետի դաժնանական հյուրեր ու ներկայացուցիչներ Հայաստանից ու ԱՄՆ-ից:

«Աստված օրհնել է այս կառույցը, օրհնել է մեր երիտասարդներին ու փոքրիկներին, որպեսզի գալով այստեղ՝ կրթություն ստանան, հոգեմտավոր զարգացում ունենան եւ վաղվա Հայաստանի ապագայի համար իրենց ծիլերը տան: Ընտրակալ ենք Հայ օգնության ֆոնդի ողջ անձնակազմին՝ իրենց ներդրումը Հայաստան աշխարհում եւ ի մասնավորի՝ Վանաձոր քաղաքում ունենալու համար: Այլեւս ընդունայն է այս կառույցը, ձեր ջանքն ու եռանդը», - ողջույնի ու օրհնանքի խոսքում նշել է Գուգարաց թեմի առաջնորդ գերաշնորհ Տեր Հովնաթ եպիսկոպոս Հակոբյանը:

«Ավելի լավ ու ավելի գեղեցիկ նվեր Վանաձոր համայնքին ու տեղի արվեստասեր երեխաներին հնարավոր չէր անել, որն իրականացվեց ընդամենը մեկ տարում: Սա Հայ օգնության ֆոնդի հերթական, բայց շատ կարեւոր ծրագիրն է, որն իր տրամաբանական ավարտին է մոտենում: Մենք շատ հպարտ ենք, որ հիսունականներին կառուցված ու երբեք չվերանորոգված, մեկհարկանի ու վատթար վիճակում գտնվող շենքն այլեւս պատմություն է: Այժմ մենք ունենք վերակառուցված երկհարկանի դպրոց՝ ամբողջովին կահավորված ու հագեցած անհրաժեշտ պարագաներով, որը հնարավորություն կտա այստեղ ուսանող երեխաներին՝ արդեն կրկնակի շատ, ավելի քան 200 աշակերտներին, իրենց տաղանդը բացահայտելու գեղարվեստի ոլորտում: Ընտրակալ ենք բոլորին եւ հատկապես՝ բարերար պարոն Գուրգեն Եկարեանին, որը մեծ սիրով համաձայնեց ստանձնել գեղարվեստի դպրոցը վերակառուցելու պատասխանատվությունն ու իր աջակցությունը տրամադրեց», - ասել է ՀՅՈՒՄ Հայաստանի մասնաճյուղի տնօրեն Բագրատ Սարգսյանը:

Լոռու մարզպետ Արամ Ղազարյանը նույնպես շնորհավորել է վանաձորցիներին հերթական նշանակալի իրադարձությունը տոնելու համար՝ շեշտելով, որ դպրոցի վերակառուցումը ավելին է, քան բարեգործությունը: «Դուք նոր շունչ եք հաղորդել կրթամշակութային մի օջախի, որն ունի ավելի քան 65 տարվա փառավոր պատմություն: Նկարիչների եւ քանդակագործների այս պահանգը, որն այսօր ունենք, պարտական ենք հենց այս դպրոցին ու նրա նվիրյալներին: Մաղթում ենք, որ այստեղ ուսանող աշակերտները լինեն հայրենասեր ու ծառայեցնեն իրենց գործունեությունը՝ ի բարօրություն Հայաստանի Հանրապետության»:

Պաշտոնական արարողությունից հետո պատվավոր հյուրերը ծառ են տնկել դպրոցի այգում, այնուհետ շրջել են դպրոցի սենյակներով, ծանոթացել իրականացված աշխատանքներին:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 6 պատահար. 1 մարդ զոհվել է, 10-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԳՈՐԾՆՆԿԵՐՈՒԹՅՈՒՆ

ՄՏՈՐԱԳՐՎԵԼ Է ՀՈՒՇԱԳԻՐ

Յուշագիր են ստորագրել Կովկասում Visa-ի տարածաշրջանային մենեջեր Դիանա Կիզուրաձեն և Կովկասում ՎՋԵԲ-ի տարածաշրջանային տնօրեն Ալկիս Վրյենիոս Դրակինսոսը:

Գործընկերության նպատակն է խթանել կայուն և ներառական տնտեսական աճը Հայաստանում և ՎՋԵԲ-ի տարածաշրջանի այլ երկրներում՝ աջակցելով թվայնացմանը և ֆինանսական ներառմանը:

Այս համագործակցության շրջանակում գործընկերները կնպաստեն ֆինանսական գրագիտության խթանմանը, ՓՄՁ-ներին և կին ձեռներեցներին աջակցելու, ինչպես նաև էլեկտրոնային վճարումների միջոցով տնտեսական մասնակցության դյուրացման ծրագրերի իրականացմանը: Սա կներառի նաև ծառայությունների թվայնացումը, ինչպիսիք են GovTech-ը և հանրային տրանսպորտը:

«Հայաստանում ու տարածաշրջանում Visa-ի և ՎՋԵԲ-ի գործունեության մեծ փորձի շնորհիվ այս գործընկերության միջոցով դրական փոփոխություններ կբերենք Հայաստանի տնտեսությանը և հասարակությանը: Մենք հպարտ ենք միավորվել նման խոշոր դերակատարի հետ՝ այս դիմապատկերում և արագ զարգացող շուկայում խթանելու թվայնացումը, ՓՄՁ-ներին և ձեռներեց կանանց», - ասել է Կովկասում Visa-ի տարածաշրջանային մենեջեր Դիանա Կիզուրաձեն:

«Ուրախ ենք համագործակցել Visa-ի հետ՝ Հայաստանում զարգացնելու կարեւոր առաջնահերթությունները, ինչպիսիք են թվայնացումը, ֆինանսական ներգրավումը և կայուն տնտեսական աճը: Կին ձեռներեցները զգալի ներդրում ունեն Հայաստանի տնտեսական աճում, և դեռ շատ չօգտագործված ներուժ կա: Մենք վստահ ենք՝ միասին կարող ենք կրկնապատկել դրական փոփոխությունները, նորարարության խթանումը և ՎՋԵԲ-ի տարածաշրջաններում ներառական աճի և բարգավաճման հնարավորությունների ստեղծումը», - նշել է Կովկասում ՎՋԵԲ-ի տարածաշրջանային տնօրեն Ալկիս Վրյենիոս Դրակինսոսը:

ՀՐԱՊԱՐԱԿԱՅԻՆ ԾԱՆՈՒՑՄԱՆ ՓՈՓՈԽՈՒԹՅՈՒՆ

Ի փոփոխություն «Բիէսթի» ՍՊԸ-ի կողմից ներկայացված՝ «Ժողովուրդ» օրաթերթի՝ 07.09.2023թ. թիվ 125 (2791) համարի 6-րդ էջում տպագրված «Հրապարակային ծանուցման», տեղեկացում ենք, որ «Արմավիրի մարզ, համայնք Սրգաշատ, 10 փողոց, 23» հասցեն պետք է ընթերցել՝ «Արմավիրի մարզ, համայնք Սրգաշատ, 14 փողոց, 27»: Անուրդային փուլերը շարունակվելու են 27.05.2024թ.-ից՝ վերոնշյալ «Հրապարակային ծանուցման» մեջ նշված պայմաններով:

ՎԵՐԼՈՒԾՈՒԹՅՈՒՆ

2024 ԹՎԱԿԱՆԻ ՊԵՏԱԳՅՈՒՋԵՒ ՑՈՒՑԱՆԻՇ

«ԼՈՒՅՍ» հիմնադրամը վերածել է 2024թ. առաջին եռամսյակում ՀՀ ոլե-սակաճ բյուջեի կասարման հաշվետվու-թյունը:

Այսպես՝ Ռուս-ուկրաինական ռազմական հակամարտության սկզբից ՀՀ տնտեսու-թյունում արձանագրված բարձր տնտեսա-կան ակտիվությունը պահպանվել է նաև 2024թ. առաջին եռամսյակում. տնտեսա-կան ակտիվության ցուցանիշը կազմել է 14.3%: Նշված բարձր ցուցանիշն առավե-լապես պայմանավորված է ժամանակա-վոր և ոչ կայուն երեւոյթներով, մասնավո-րապես՝ ոսկերչական գործունեության ծա-վալների կտրուկ աճով: Եվ պատկերը, կախված արտաքին, դժվար կանխատես-լի իրավիճակից, կարող է կտրուկ փոխվել (ոսկերչական գործունեության ծավալները կտրուկ նվազել)՝ էական բացասական ազ-դեցություն թողնելով մակրոտնտեսական ցուցանիշների վրա: Ըստ պաշտոնական վիճակագրության՝ ոսկերչական արտադ-րատեսակների արտադրությունը (հիմա-կանում՝ վերամշակումը) նախորդ տարվա նույն ժամանակահատվածի համեմատ աճել է 11.9 անգամ: Մինչդեռ, արդյունաբե-րության՝ ՀՀ տնտեսության համար էական կարեւորություն ունեցող մի շարք ենթաճ-յուղերում անկումը շարունակվում է: Այ-սինքն՝ արդյունաբերության, որոշակի իմաստով «համակարգաստեղծ» ենթաճ-յուղերի արտադրության նվազման ֆոնին ոսկերչական արտադրատեսակների ար-տադրությունն էական աճ է գրանցում: Արդյունքում շարունակում է վատթարա-նալ արդյունաբերության կառուցվածքը:

2024 թ. առաջին եռամսյակում ՀՀ պե-տական բյուջեի ընդհանուր եկամուտները կազմել են 525.0 մլրդ դրամ: Ի դեպ, 2024 թ. պետական բյուջեի եկամուտների ծրագրված և փաստացի ցուցանիշների հաշվարկում կատարվել է մեթոդաբանու-թյան փոփոխություն, համաձայն որի՝ դրանցում ներառվում է նաև հիպոթեքա-յին վարկերի վճարված տոկոսների վերա-դարձի գումարը (որը նախկինում նվազեց-վում էր հարկային եկամուտներից): Այս պարագայում ես պետական բյուջեի եկա-մուտները ճշտված պլանի նկատմամբ թե-րակատարվել են 6.8%-ով: Հատկանշական է, որ թերակատարումն առկա է նաև հաս-տատված բյուջեի նկատմամբ: Թերակա-



տարումից բացի, արձանագրվել է նաև բյուջեի եկամուտների աճի տեմպի դա-նդաղում՝ հիմնականում պայմանավորված բարձր տնտեսական աճի պայմաններում ոչ հարկունակ ճյուղերի աճով:

ՀՀ պետական բյուջեի փաստացի ծախ-սերը 2024թ. առաջին եռամսյակում կազմել են 525.9 մլրդ դրամ: Դրանք նույնպես ճշտ-ված պլանի համեմատ թերակատարվել են՝ 17.5%-ով: Ընդ որում, թերակատարումը վերաբերում է թե՛ ընթացիկ և թե՛ կապի-տալ ծախսերին: Ի դեպ, բյուջեի ընդհա-նուր, ինչպես նաև ընթացիկ ծախսերի դեպքում հաստատված բյուջեի նկատ-մամբ ես արձանագրվել է թերակատա-րում:

Թերակատարվել են հաշվետվությունում նշված բոլոր պատասխանատու մարմի-ների գծով իրականացվող ծրագրերի շր-ջանակում կատարված ծախսերը: Ամենա-ցածր կատարողական արձանագրվել է ՀՀ բարձր տեխնոլոգիական արդյունաբե-րության նախարարության և ՀՀ էկոնոմի-կայի նախարարության պատասխանատ-վության տակ գտնվող ծրագրերի գծով:

2024 թ. առաջին եռամսյակում ՀՀ պե-տական բյուջեն ունեցել է 0.9 մլրդ դրամ պակասուրդ՝ ճշտված պլանով ծրագրված 74.4 մլրդ դրամ և հաստատված պլանով նախատեսված 34.9 մլրդ դրամ պակասուր-դի փոխարեն:

Հաշվետու ժամանակաշրջանում կրկին կառավարությունն «այճի է ընկել» բյուջե-տային պլանավորման ասպարեզում ունե-ցած անհաղթահարելի խնդիրներով: Մաս-

նավորապես՝ 2024թ. պետական բյուջեով նախատեսված գրեթե բոլոր ցուցանիշնե-րը ճշտված պլանով վերանայվել են, սա-կայն փաստացի մեծություններից շատերը ոչ միայն զգալիորեն հեռու են եղել ճշտ-ված պլանից, այլև ավելին, շատ դեպքե-րում դրանք ճշտված պլանից ավելի շատ են շեղվել, քան հաստատված պլանից:

Պետական բյուջեի հարկային եկամուտ-ների և պետական տուրքերի՝ պլանի նկատմամբ թերակատարումը, ինչպես նա-և տպավորիչ տնտեսական ակտիվության պարագայում գրեթե եռակի ցածր աճի տեմպը մտահոգությունների տեղիք են տա-լիս ՀՀ տնտեսությունում տեղի ունեցող բա-ցասական զարգացումների շուրջ: Պատ-կան մարմինների կառավարման ցածր մա-կարդակի պատճառով ծախսերի թերակա-տարման շուրջ ձեռնարկված, տարիներ ի վեր առկա և արդեն «քրոնիկ» դարձած հիմնախնդիրը փաստում է, որ գործող իշ-խանությանն այդպես էլ չի հաջողվում լու-ծել պետական կառավարման համակար-գում տնտեսության համար առանցքային ծրագրերի արդյունավետ իրականացման կարողությունների ապահովման խնդիրը: Արդյունքում, բյուջեի ծախսերի թերակա-տարման հետեւանքով՝ տնտեսության նե-րուժի տեսանկյունից կարեւորագույն ծրագրերը իրականացվում են թերի (ոչ լրիվ կամ ժամանակին)՝ վտանգելով ինչպես ըն-թացիկ, այնպես էլ երկարաժամկետ տնտե-սական աճն ու զարգացումը:

ՄԱՆԱ ՄՈՒՊԻՈՆՅԱՆ

ԼՈՒՐԵՐ

ՎԱՐԿԱՅԻՆ ԲԵՈՒՆ ՊԵՏՔ Է ԹԵԹԵՎԱՆԱ

«Հայաստանում արդեն վիճակն այնպես է, որ ունենք գերկենտրոնացում», - այս մասին երեկ՝ մայիսի 22-ին, Բագրատ Սր-բազանի հետ հանդիպմանը հայտարարեց տնտեսագետ Միքայել Մելքունյանը:

«Մենք ունենք մոտ 100 հազար տնտե-վարող սուբյեկտ, որոնք հարկայինին հաշ-վետվություն են ներկայացնում: Դրանից շուրջ 60 հազարը, այսպես կոչված, փոքր-միջինն է, 25 հազարը՝ միջին բիզնեսներն են, մոտ 14 հազարն էլ խոշորներն են, որոնք միլիարդավոր դրամների շրջանա-ռություն ունեն: Բիզնեսները հաստատ մտ-քով շարժման հետ է: Մոտ 740 հազար վարձու աշխատող կա, և մոտ 300 հազար գյուղում աշխատողներ կան: Նրանք մե-րուժն են: Մինչև 400 հազար մարդ ստա-նում է 150 հազար դրամ. դա խայտառա-կություն է: Ստանում են օրական 5 հազար

դրամ այն դեպքում, երբ բանվորը շինա-րարությունում 10 հազար դրամից պակաս չի աշխատում: Գիտեք, որ մի մասն էլ ճամպուրը վերցնում ու արտագաղթում է այս երկրից: 5,2 տրիլիոն դրամ վարկային պորտֆելն է, երբ ունենք 8,2 տրիլիոն հա-մախառն ներքին արդյունք: 8 տրիլիոնի մեջ 5 տրիլիոնը մեր վարկերն են, 5,5-ն էլ մեր ավանդներն են, բայց այդ ավանդների ընդամենը 2 տոկոսը կազմում է մոտ 4 տրիլիոնը: Արձանագրեց, որ Հայաստա-նում արդեն վիճակն այնպիսին է, որ ու-նենք գերկենտրոնացում», - նշեց նա:

Մելքունյանն ասաց, որ Հայաստանում այժմ 2,5 միլիոն վարկառու կա. - «Այդ վար-կառուներից մոտավոր 2 միլիոնն ունեն մի-ջե 700 հազար վարկ, դրանք սպառողա-կան վարկերն են. մարդն անընդհատ սպա-ռողական վարկ է վերցնում, որ ապրի»:

Նրա կարծիքով՝ պետք է գնալ վարկա-յին բեռի թեթեւացման: «Դա շատ հեշտ է մտածել, թե ինչպես պետք է անել և ինչի հաշվին պետք է անել»:

ԱՎԱՐՏԵԼ Է ՊԱՐՏԱՏՈՄՍԵՐԻ ՏԵՂԱԲԱՇԽՈՒՄԸ

«Արարատ» բանկը սույն թվականի մարտի 26-ին մեկնարկել էր պարտատոմ-սերի հերթական տեղաբաշխման գործըն-թացը: Համաձայն պարտատոմսերի թե-ղաբաշխման վերջնական պայմանների՝ տե-ղաբաշխման ավարտ էր սահմանվել սույն թվականի հունիսի 26-ը, սակայն տեղա-բաշխումն ավարտվել է մայիսի 17-ին:

Հիշեցնենք, որ թողարկվել էր 5 մլն ԱՄՆ դոլար ընդհանուր ծավալով, 25 ԱՄՆ դո-լար անվանական արժեքով, 5.75% ար-ժեկտորնային տարեկան եկամտաբերու-թյամբ, 48 ամիս շրջանառության ժամկե-տով 200 հազար հատ պարտատոմս:

Տեղաբաշխման ավարտից հետո պար-տատոմսերը ներկայացվելու են ցուցակ-ման AMX Հայաստանի ֆոնդային բորսա-յում:

«Ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԱԶՆԱԿՈՒՐԸ ԿԴԱՌՆԱՐ 100 ՏԱՐԵԿԱՆ

ՆԱ ՀԱՅՐԵՆԻՔ ԷՐ ՀԱՅՐԵՆԻՔԻ ՄԵՋ

Շառլ Ազնավուր. ազգությամբ հայ ֆրանսիացի բանասեր, որ փոխեց ֆրանսիական երգարվեստն ու մեծ հեթ թողեց համաշխարհային երաժշտության դասնությունում: Նրա երգերը քարզանվեցին եւ երգվեցին աշխարհի սարբեր երկրներում, սարբեր լեզուներով:


Երգահան, բանաստեղծ, գրող, կինոդերասան եւ հասարակական գործիչ Վադիմակ Միքայելի Ազնավուրյանը ծնվել է 100 տարի առաջ՝ մայիսի 22-ին: Իր ստեղծագործական կյանքի ընթացքում շանսոնի եւ տարբեր լեզուներով ձայնագրել է մոտ 1200 երգ, հեղինակել կամ համահեղինակ է եղել ավելի քան 1000 երգի:

Ծնունդով Ախլցխայից էրգրումից հայրը եւ պոլսահայ մայրը ծանոթացել են Կոստանդնուպոլսում, ամուսնանալուց հետո տեղափոխվել Յունաստան, ապա Ֆրանսիա: Փարիզում մեծացած Շառլի կյանքում շրջադարձային է լինում երգչուհի Էդիթ Պիաֆի հետ հանդիպումը:

Նախքան Պիաֆի հետ հանդիպումը՝ 1941 թվականին Ազնավուրը հանդիպում է կոմպոզիտոր, դաշնակահար Պիեռ Ռոշին, ով «Մյուզիք-Յոլ» դպրոցի տնօրենն էր եւ սկսվում է նրանց ընկերությունը, ինչից հետո Շառլը վերջնականապես որոշում է ընտրել երգարվեստը: Պիեռի հետ նրանք ստեղծում են «Ռոշ եւ Ազնավուր» դուետը (1943-1950) եւ սկսում են ելույթներ ունենալ տարբեր համերգարաններում: 1944 թվականին նա գրում է իր առաջին «Ես խմել եմ» երգը, որը ժողովրդի կատարմամբ արժանացել է «Տարվա ձայնավանկ» մրցանակին:

Ռոշ եւ Ազնավուր դուետը փորձում է հաջողության հասնել Քվեբեկում, այնուհետեւ Մոնրեալում: Չնայած նրան, որ Շառլն ու Պիեռը մեծ ճանաչում ունեին Կանադայում, Ազնավուրը մեկնում է Ֆրանսիա եւ Պիաֆի խորհրդով սկսում իր սոլո կարիերան, որը սկզբնական շրջանում հաջողությամբ չի պսակվում: Նա սկսում է համագործակցել Ժիլբեր Բեկոյի հետ: 1956 թվականին համերգներով հանդես է գալիս Յուրսիային Աֆրիկայի երկրներում, ինչը նրան մեծ ճանաչում եւ հաջողություն է բերում:

1955 թվականին նա առաջին անգամ ելույթ է ունենում Փարիզի Օլիմպիա դահլիճում՝ ինչին անդրադառնալով՝



ֆրանսիական մամուլը գրում է. «Ֆրանսիան ազնավուրացված է»:

Ստեղծագործական կյանքից բացի Ազնավուրը հսկայական հասարակական գործունեություն է ծավալել:

1988 թվականի սպիտակյան ավերիչ երկրաշարժից անմիջապես հետո հիմնադրել է «Ազնավուր Յայաստանին» բարեգործական հիմնադրամը, իսկ 2017 թվականին որդու՝ Նիկոլայի հետ ստեղծել է «Ազնավուր» հիմնադրամը, որի նպատակն է շարունակել կրթական, սոցիալական եւ մշակութային ծրագրերի նախագծումն ու իրականացումը:

2008 թվականին ստացել է ՀՀ քաղաքացիություն եւ մեկ տարի անց դարձել Շվեյցարիայում ՀՀ դեսպանն ու Հայաստանի ներկայացուցիչը ժնեյի ՄԱԿ-ի գրասենյակում, ինչպես նաեւ մի շարք այլ կազմակերպություններում:

Առ այսօր վաճառվել է Ազնավուրի շուրջ հարյուր միլիոն ձայնավանկ: Ամերիկյան «Թայմ» հանդեսի հարցման հա-

մաձայն՝ Ազնավուրը ճանաչվել է «Դարի արվեստագետ»՝ 149 հազար ձայնով: Արժանացել է Հայաստանի եւ Ֆրանսիայի բարձրագույն պետական պարգևներին, այդ թվում՝ «Պատվո սեգարի» (1997):

Ազնավուրը նկարահանվել է նաեւ կինոյում՝ «Գլուխը պատին» (1958), «Կրակեք դաշնակահարի վրա» (1960), «Սատանան եւ տասը պատվիրանները» (1962), «Արարատ» (2002) եւ այլն: Հեղինակել է 14 գրքեր, որոնք թարգմանվել են տասնյակ լեզուներով ու դարձել բեսթսելլերներ:

Աշխարհահռչակ շանսոնի մահացել է 2018 թվականի հոկտեմբերի 1-ին. հիշատակի ազգային տուրքի մատուցման արարողության ժամանակ Ֆրանսիայի նախագահ Էմանուել Մակրոնն ասել է. «Շառլ Ազնավուրը մեզ ապրեցրել է իր երգերով: Հայկական ծագում ունեցող ներգաղթյալի որդին պետություն էր պետության մեջ, հայրենիք՝ հայրենիքի մեջ»:

ՀՈՒՐ ԲԱՂՂԱՍՍՐՅԱՆ

ՄԱՐԶԱԿԱՆ

ԳՎԱՐԴԻՈՒՄՆ՝ ԼԱՎԱԳՈՒՅՆ ՄԱՐԶԻՉ

Անգլիայի Պրեմիեր լիգայի ավարտված մրցաշրջանի լավագույն մարզիչը «Մանչեսթեր Սիթի»-ի գլխավոր մարզիչ Պեպ Գվարդիոլան է:

Գվարդիոլայի «Մանչեսթեր Սիթի»-ն 2023/24 մրցաշրջանում դարձավ Անգլիայի չեմպիոն՝ այդ տիտղոսը նվաճելով 4-րդ տարին անընդմեջ, ինչը բացառիկ ցուցանիշ է Անգլիայի առաջնության համար: Նման նվաճման դեռեւս ոչ մի ակումբ չի հասել:

Պրեմիեր լիգայի 38 տուրերից հետո «քաղաքայինները» հավաքեցին 91 միավոր եւ 2 միավորով առաջ անցան երկրորդ տեղում հայտնված «Արսենալ»-ից:

Գվարդիոլան «Մանչեսթեր Սիթի»-ի գլխավոր մարզիչ պաշտոնը ստանձնել է 2016 թվականին:

ՄՊԵՐՑՅԱՆԻ ՏԵՂԱՓՈԽՄԱՆ ՄԱՍԻՆ

Ռուսաստանի հավաքականի նախկին կիսապաշտպան Ալեքսանդր Մոստովոյը խոսել է Էդուարդ Սպերցյանի՝ Դորտմունդի «Բորուսիա» հավանական տեղափոխության մասին. «Այդ տեղափոխությունը հիմնալի կլինի Սպերցյանի համար, սակայն Ռոյսին փոխարինելն այլ բան է: Դժվար թե հիմա նա փոխարինի Ռոյսին: Ես չեմ ասի, թե Էդուարդը փորձառու չէ, բայց դեռ շատ բան ունի սովորելու:

Բոլոր նրանք, ովքեր Ռուսաստանից հեռացել են, ինդիվիդուալ են ունեցել եվրոպական ֆուտբոլում: Արսեն Զախարյանին «Ռեալ Սոսիդադում» չի հերիքում ագրեսիվությունը, Ալեքսանդր Գոլովինը նույնպես սկզբնական շրջանում ինդիվիդուալ են «Մոնակոյում»:

Շատ լավ է, որ «Բորուսիայի» նման ակումբը հետաքրքրված է Սպերցյանի ծառայություններով: Նա այնտեղ կարող է մեծ առաջընթաց գրանցել»:

Հիշեցնենք՝ ավելի վաղ Transfermarkt պորտալը հայտնել էր, որ Դորտմունդի «Բորուսիան» հետաքրքրված է Հայաստանի հավաքականի կիսապաշտպանի ծառայություններով: «Բորուսիայում» նրան դիտարկում են՝ որպես ակումբից հեռացող Մարկո Ռոյսի փոխարինողի:

ՌՈՆԱԼԴՈՒԻ ԱՐՉԱԳԱՆՔԸ՝ ՏՈՆԻԻՆ

Մադրիդի «Ռեալի» նախկին հարձակվող Կրիշտիանու Ռոնալդուն, որն այժմ հանդես է գալիս Սաուդյան «Ալ-Նասրում», արձագանքել է «Լոս Բլանկոսի» կիսապաշտպան Տոնի Կրոսի՝ Եվրո-2024-ից հետո կարիերան ավարտելու մասին լուրերին:

«Շնորհակալ եմ ամեն ինչի համար, Տոնի: Ինչ պատիվ է քեզ հետ կիսել նույն ոլորտը: Ամենայն բարիք քեզ ապագայում», - գրել է Ռոնալդուն սոցցանցում:

Հիշեցնենք, որ Ռոնալդուն եւ Կրոսը միասին հանդես են եկել Մադրիդի «Ռեալում» 2014-ից 2018 թվականներին:

ՄՐՑԱՆԱԿԱԲԱՇՆՈՒԹՅՈՒՆ

Ա. ԽԱՉԱՏՐՅԱՆԻ ԱՆՎԱՆ ՄՐՑՈՒՅԹ

Հունիսի 6-ին՝ հայ մեծ կոմպոզիտոր Արամ Խաչատրյանի ծննդյան օրը, կենդանի Խաչատրյանի անվան 20-րդ միջազգային մրցույթը: Այն նույնպես կազմակերպվելու է համաշխարհային երաժշտության օրը:

Այս տարի մրցույթը կանցկացվի ջութակ մասնագիտական կարգում: Երաժշտական ստուգատեսը տեղի կունենա 3 փուլով: Առաջին փուլը կանցկացվի հունիսի 7-ին եւ 8-ին, երկրորդ փուլը՝ հունիսի 9-ին եւ 10-ին, երրորդ փուլը՝ հունիսի 11-ին եւ 12-ին: Իսկ ահա

հունիսի 13-ին կայանալիք գալա համերգի ընթացքում հայտնի կդառնան մրցույթի հաղթողները, եւ տեղի կունենա պարգևատրման արարողությունը:

Մրցույթի ծրագրում ընդգրկված են նաեւ Արամ Խաչատրյանի ստեղծագործությունները: Այդպիսով՝ մրցույթի մասնակիցները սովորում են իրենց նվագա-ցանկում ընդգրկում են հայ մեծ կոմպոզիտորի ստեղծագործությունները:

Առաջին մրցանակակիրը կստանա 10000 ԱՄՆ դոլարին համարժեք դրամի չափով դրամական պարգև, 2-րդ տեղը՝ 5000 ԱՄՆ դոլարին համարժեք դրամով, իսկ 3-րդ

մրցանակակիրը կարժանանա 3000 դոլար մրցանակի: Նախատեսված են նաեւ հատուկ մրցանակներ:

«Արամ Խաչատրյան» մշակութային հիմնադրամի կողմից կազմակերպվող երաժշտական այս ստուգատեսն իր կարևոր տեղն ունի աշխարհում անցկացվող միջազգային մրցույթների ընտանիքում:

Խաչատրյանի անվան միջազգային մրցույթը 2013 թվականից ժնեյում հիմնված Միջազգային երաժշտական մրցույթների համաշխարհային ֆեդերացիայի (WFIMC) անդամ է եւ գործում է ֆեդերացիայի սահմանած կանոններով:

● Մայիսի 25-ին՝ ժամը 19:00-ին, Հ. Ղափլանյանի անվան դրամատիկական թատրոնում տեղի կունենա «Լորենցաչո» իրոնիկ տրագեդիան: Տոմսերի արժեքը՝ 2000-5000 դրամ:

